

# REGULAMENTO ELECTORAL

**Para a elección a membros da Asemblea Xeral, Presidente e Comisión Delegada da Federación Galega de Halterofilia**

A Coruña, 19 de xullo de 2014



## Artigo 1. Obxecto da normativa

En aplicación do disposto na Lei 3/2012, do 02 de abril, do deporte de Galicia, e na Orde do 08 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e a realización dos procesos electorais nas Federacións Deporivas Galegas, confeccionase a seguinte normativa que regula o proceso de elección dos órganos de goberno: Asemblea xeral, Presidente e Comisión Delegada da Federación Galega de Halterofilia, con representatividade durante o período 2014 a 2018.

## Artigo 2. Celebración de eleccións

A Federación Galega de Halterofilia procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: de 10,00 a 14,00 e de 17,30 a 20,30 horas

## Artigo 3. Regulamento electoral provisional e definitivo

Unha vez aprobado o regulamento electoral por parte da Asemblea Xeral da Federación Galega de Halterofilia será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán dez días hábiles para proceder a dita corrección.

**Solicítase** á Asemblea Xeral da Federación Galega de Halterofilia, no caso que houbera que subsanar algunha deficiencia no mesmo regulamento electoral, que delegue e autorice á Xunta Directiva a facer os cambios necesarios, sen necesidade dun novo sometemento á aprobación da Asemblea Xeral. Unha vez feitas estas modificacións, o novo regulamento presentárase á Secretaría Xeral para o Deporte para a súa ratificación definitiva.

## Artigo 4. Censo electoral

1. O censo electoral (ANEXO III) incluírá aos deportistas, técnicos/adestradores, xuíces/árbitros e entidades deportivas inscritas na federación e no Rexistro de Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Inclúiranse os seguintes datos:

- a) Para os/as deportistas, adestradores e xuíces/árbitros: nome, apelidos, número de licenza federativa, número do documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o da entidade deportiva á que pertencen, ou no seu caso tamén respecto do estamento de xuíces/árbitros, o que a estes efectos indique a federación. No período de reclamacións ao censo provisional poderase solicitar o cambio de domicilio.



- b) Para as entidades deportivas: nome, denominación ou razón social e número de inscrición no Rexistro de Entidades Deportivas de Galicia, así como o nome e apelidos do presidente e secretario. Os datos dos clubs deberán ser plenamente coincidentes cos datos contidos no Rexistro de Entidades Deportivas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Entidades Deportivas de Galicia, establecerase un prazo de 10 días para a súa subsanación.
2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da Xunta en sentido estimatorio da petición realizada. Dita exposición farase no taboleiro de anuncios da Federación Galega de Halterofilia e das delegacións federativas, así como na páxina web [www.halterofilia.org](http://www.halterofilia.org)
3. O censo será considerado definitivo se non se presenta reclamación algunha, ou cando de presentarse, sexa resolta pola Xunta Electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.
4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.
5. Co fin de facilitar a participación e a integración na actividade deportiva da Federación, os candidatos proclamados a membros da Asemblea Xeral poderán dispoñer do respectivo censo de persoas que compoñen cada estamento, cos datos de carácter persoal contidos na licenza federativa. No caso dos candidatos proclamados á Presidencia, poderán dispoñer do censo de persoas que conforman a Asemblea Xeral, cos mesmos datos de carácter persoal facilitados na licenza federativa

## Artigo 5. Xunta Electoral

1. O mesmo día da convocatoria de eleccións, constituirase a Xunta Electoral.
2. A Xunta Electoral estará integrada por tres membros titulares e tres suplentes, elixidos por sorteo na Asemblea Xeral, entre as persoas que presenten a súa candidatura a membros da Xunta Electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da Xunta deberán reunir os requisitos seguintes:

- a) Ser maior de 18 anos.
- b) Ter o título de bacharelato superior ou equivalente.
- c) Non presentarse como candidato a membro da Asemblea Xeral.
- d) Non ter relación contractual ou profesional coa Federación Galega de Halterofilia



e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.

3. No caso de non presentación de candidatos a membros da Xunta Electoral, o presidente da Federación proporalle á Asemblea os membros necesarios para completar a mesma, os cales deberán así mesmo reunir os requisitos definidos no apartado anterior.

4. Actuará como presidente e secretario da Xunta Electoral o membro de maior e menor idade, respectivamente. As decisións da Xunta Electoral tomaranse por maioría de votos. A asistencia á Xunta Electoral é obrigatoria salvo causa xustificada.

5. Funcións da Xunta Electoral:

- a) Velar polo axustamento a dereito do proceso electoral dos órganos de goberno e representación federativos.
- b) Organizar os procesos das eleccións para a Asemblea Xeral e presidente da Federación, segundo o disposto neste Regulamento Electoral.
- c) Designar as Mesas Electorais de conformidade co previsto neste Regulamento Electoral.
- d) Aprobar as candidaturas que reúnan os requisitos esixidos, así como o resto da documentación electoral.
- e) Garantir a exposición de censos, candidaturas e outros documentos según se estableza neste Regulamento Electoral.
- f) Coñecer e pronunciarse sobre os recursos que se presenten.
- g) Custodiar a documentación correspondente a todo o Proceso Electoral, agás o que non lle corresponda do procedemento do voto por correo, ata a súa finalización.
- h) En xeral, cantas facultades lle sexan atribuídas por este Regulamento Electoral.



#### Artigo 6. Mesa Electoral: composición e competencias.

1. A circunscrición electoral será única de carácter autonómico para todos os estamentos constituíndose para estes efectos unha única Mesa Electoral con sede na Federación Galega de Halterofilia, situada en: **Complexo Deportivo de Elviña. Praza de Agustín Díaz, 3 15008 A Coruña.** O horario de apertura da mesa será o seguinte: ás 17,30 e pechará ás 21,00 horas

As Mesas Electorais estarán compostas por tres membros titulares (un presidente, un secretario e un vogal) e tres suplentes destes, elixidos por sorteo (na sede federativas as 20.30 horas do día fixado no calendario electoral), pola Xunta Electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á Mesa Electoral é obrigatoria salvo causa xustificada que deberá ser autorizada pola Xunta Electoral.

Así mesmo, para a Mesa Electoral, os candidatos poden nomear interventores, entre quen desempeñe a condición de elector, que serán identificados ante a Xunta Electoral con antelación non inferior a 24 horas do día de celebración das respectivas votacións. A Xunta Electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. Son competencias da Mesa Electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.

3. A acta será subscrita por todos os membros da Mesa Electoral, así como polos interventores, se os houbera, remitíndose posteriormente á Xunta Electoral, que deberá garantir a súa exposición pública mediante a publicación no taboleiro de anuncios e na páxina web [www.halterofilia.org](http://www.halterofilia.org)

4. Cando proceda a elección de presidente constituirase a Mesa Electoral con dous membros que serán respectivamente o de maior e menor idade da Asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da Asemblea.

5. Os gastos de desprazamentos dos membros das Mesas Electorais serán sufragados pola Federación Galega de Halterofilia.

### Artigo 7. Convocatoria de eleccións

1. A convocatoria das eleccións será feita polo presidente da Federación Galega de Halterofilia o día **15 de Setembro de 2014**, conforme a este Regulamento Electoral, aprobado pola Secretaría Xeral para o Deporte.

2. Simultaneamente á convocatoria de eleccións, a Xunta Directiva disolverase, contituíndose en Comisión Xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web [www.halterofilia.org](http://www.halterofilia.org) e na da Administración Autonómica

A notificación da convocatoria de eleccións conterá cantos datos se precisen para o correcto desenvolvemento do Proceso Electoral, e sinaladamente:

- a) Regulamento Electoral.
- b) Calendario Electoral con indicación do lugar, data e hora de celebración dos actos propios do Proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da Xunta Electoral da Federación.

4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes da desta federación e á Secretaría Xeral para o Deporte.

### Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tido na tempada deportiva anterior á da data de convocatoria de eleccións.



- Ter participado nun mínimo de unha competición oficial na tempada deportiva anterior.

b) No caso do estamento de entidades deportivas: aquelas, que estean inscritas, no ano da convocatoria das eleccións, na federación e no Rexistro de Entidades Deportivas de Galicia e teñan participado en competicións deportivas. A estes efectos e, con carácter mínimo, deberán de ter participado en catro competicións entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non será elixibles aquelas entidades deportivas que formen parte da Asemblea na súa condición de membros natos.

2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea Xeral.

3. Os membros da federación que pertencen a dous ou máis estamentos no censo provisional, deberán optar por un deles, mediante escrito ante a Xunta Electoral que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, a orde de preferencia será:

1º.- DEPORTISTA

2º.- ADESTRADOR

3º.- XUIZ

### Artigo 9. Composición da Asemblea Xeral

1. O número de membros da Asemblea Xeral será de **10**, en aplicación do artigo 10, do presente Regulamento Electoral. O citado número deberá modificarse, no caso de que corresponda, unha vez aprobado definitivamente o Censo Electoral. O presidente da Federación desempeñará a presidencia da Asemblea Xeral.

2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de entidades deportivas, por e entre os compoñentes de cada estamento de conformidade co número e proporcións de representación que se establecen no presente regulamento.

3. Na Asemblea Xeral deberán estar representados todos os estamentos recoñecidos nos Estatutos e integrados na Federación e, cando menos, as entidades deportivas, os deportistas, os adestradores e os árbitros/xuíces.

4. No estamento de entidades deportivas haberá membros natos e membros electos.

5. A representación das entidades deportivas corresponde ao seu presidente/a ou persoa que conforme Estatutos lle corresponda. Esta representación acreditarase fidedignamente mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.

6. Non cabe representación das persoas físicas.

7. Ningún membro da Asemblea poderá desempeñar unha dobre representación nesta.

8. A Federación Galega de Halterofilia axustarase, no posible, nas súas actuacións ás recomendacións feitas pola Lei 7/2004, do 16 de xullo, Galega para a igualdade de mulleres e homes (DOG nº 149, do 3 de agosto).

### Artigo 10. Proporcionalidade na composición da Asemblea Xeral

1. A porcentaxe de cada estamento é:

- |  |             |
|--|-------------|
| a) Representantes de entidades deportivas: | <b>60 %</b> |
| b) Representantes de deportistas:          | <b>25 %</b> |



- c) Representantes de adestradores: 7,5 %  
 d) Representantes de xuíces: 7,5 %

Segundo estes porcentaxes, unha vez aprobados definitivamente os Censos Electorais de cada un dos estamentos, a Xunta Electoral fixará o número concreto de membros de cada estamento. Os porcentaxes decimais se redondearán ata o número enteiro superior sempre que a fracción decimal exceda do 0,50

2. A representación mínima do estamento de entidades deportivas na Asemblea Xeral da Federación Galega de Halterofilia deberá ser **do 50% do censo definitivo de entidades deportivas**, incluíndo os membros natos.

En calquera caso todas as entidades deportivas deberán necesariamente cumprir os requisitos que para eles se establece no artigo 8 desta regulamentación.

3. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral. No entanto, no caso de que nalgún estamento da Asemblea houbera máis dun 20% de vacantes, unha vez terminado o Proceso Electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

#### Artigo 11. Membros natos da Asemblea Xeral polo estamento de entidades deportivas

Conforme o establecido na Orde do 8 de setembro de 2010, establécese como baremo para a designación dos membros natos da Asemblea Xeral o seguinte: serán membros natos aquelas dúas entidades deportivas que contén cun maior número de licenzas, así como outras dúas que teñan participado no maior número de competicións oficiais. En caso de empate nalgunha das categorías anteriores será membro nato aquela entidade deportiva que conte con máis méritos na outra categoría. No caso de proseguir o empate, este resolverase favorablemente para a entidade deportiva con máis antigüidade na súa afiliación á Federación. Estes datos referiranse ao ano inmediatamente anterior ao da convocatoria de eleccións.

No caso de que unha entidade deportiva teña méritos para obter representación na Asemblea por ambas categorías, a representación resultante será cuberta polas entidades deportivas candidatas á Asemblea segundo o procedemento ordinario de elección no estamento de entidades deportivas. As entidades deportivas deberán estar incluídas no Censo Electoral definitivo. Aquelas entidades deportivas que desexen renunciar a súa condición de membro nato deberán facelo, ante a Xunta Electoral, no prazo de reclamacións ao censo provisional.

Conforme o anterior baremo, son membros natos da Asemblea os seguintes entidades deportivas:

Por maior número de licenzas	Por maior número de actuacións
1. Club Halterofilia Coruña	1. Club Halterofilia Coruña
2. Club Halterofilia Pabellón	2. Club Halterofilia Ferrol

#### Artigo 12. Candidatos a membros electos da Asemblea xeral

1. Poderá ser candidato a membro da Asemblea Xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a Xunta Electoral. Para a solicitude establécese un prazo de **3 días hábiles** a contar dende a publicación do Censo definitivo.



2. Unha vez presentadas as candidaturas, a Xunta Electoral proclamará a lista provisional de candidatos facéndoa pública na páxina [www.halterofilia.org](http://www.halterofilia.org). Haberá un prazo de **2 días hábiles** para a presentación de posibles reclamacións ante a Xunta Electoral.

3. Unha vez resoltas as posibles reclamacións si as houbera, procederase á proclamación definitiva de candidatos.

### Artigo 13. Sistema de votación a membros da Asemblea Xeral

1. A votación a membros da Asemblea realizarase en urnas separadas por estamentos. A votación desenvolverase sen interrupcións durante o **de 10,00 a 14,00 e de 17,30 a 20,30 horas**. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a Xunta Electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme Estatutos lle corresponda, debéndose acreditar fehacientemente a dita representación mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.

3. Se un membro electo da Asemblea perdera a condición pola que foi elexido, causará baixa automaticamente naquela, procedéndose á súa substitución polo seguinte membro máis votado do seu estamento, no caso de non existir, quedaría vacante.

4. No caso de que o número de baixas supere a cuarta parte dos membros dun estamento ou a terceira parte dos membros totais da Asemblea, as vacantes serán cubertas mediante eleccións parciais. A tal efecto, a Presidencia convocará ditas eleccións parciais, que deberán axustarse ás normas que regulan as Eleccións Xerais a este órgano. Os elixidos para cubrir as vacantes a que se refiren os parágrafos anteriores, ostentarán o seu mandato polo tempo que falte ata as próximas Eleccións Xerais á Asemblea Xeral

### Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.

2. O exercicio do voto por correo haberá de ser solicitado polo interesado á Xunta Electoral, dende a data da convocatoria das eleccións ata 2 días hábiles despois da publicación do Censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.

3. Recibida pola Xunta Electoral a solicitude referida no punto anterior, comprobará a inscrición no Censo definitivo do solicitante, realizando no caso de estar inscrito a anotación correspondente no censo e extendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector e do estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría Xeral para o Deporte.





A Xunta Electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urxente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría Xeral para o Deporte, publicándose asemade na páxina [www.halterofilia.org](http://www.halterofilia.org)

4. O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola Xunta Electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría Xeral para o Deporte para a súa custodia, por correo certificado urxente, consignándose no anverso e reverso do mesmo os seguintes datos:

**Anverso:**

Secretaría Xeral para o Deporte  
Estadio Multiusos de San Lázaro, porta 4  
15781 Santiago de Compostela (A Coruña)  
Eleccións á Asemblea Xeral da Federación Galega de Halterofilia

**Reverso:**

Nome e apelidos do remitente  
Estamento de deportistas / adestradores / xuíces  
Modalidade ou especialidade de Halterofilia

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría Xeral para o Deporte custodiará os votos emitidos, que serán postos a disposición da Mesa Electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa Electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

**Artigo 15. Presentación de candidaturas a presidente**

1. No prazo de **2 días hábiles** dende a proclamación definitiva de membros da Asemblea Xeral, poderá presentar candidatura a presidente da Federación calquera persoa física, sen que teña que ser membro da Asemblea Xeral, que teña a condición política de galego (**Segundo o Art. 3.1, da Lei Orgánica 1/1991, do 6 de abril pola que se aproba o Estatuto de Autonomía no que dí expresamente: A efectos do presente Estatuto gozan da condición política de galegos os cidadáns españois que, de acordo coas leis xerais do Estado, teñan a vecindad administrativa en calquera dos municipios de Galicia**), maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. A persoa que resulte elixida como presidente non poderá desempeñar ningunha outra actividade directiva ou de representación dentro da propia estrutura federativa. Non se poderá simultanear a presidencia dunha entidade deportiva coa presidencia da federación deportiva na que se integre o dita entidade deportiva (art. 58.3 Lei 3/2012).

Se algún membro da Comisión Xestora presentase a súa candidatura á presidencia, **debera cesar** naquela.



O presidente saínte da Federación será membro da nova Asemblea Xeral. Esta condición perderase nos casos de non presentar candidatura á presidencia ou, de téndoa presentado, non resultara elixido.

2. A presentación de candidaturas farase na sede oficial da Federación, mediante escrito dirixido á Xunta Electoral, facendo constar a condición de membro de pleno dereito da Asemblea Xeral.

3. Finalizado o prazo de presentación de candidaturas, a Xunta Electoral exporá a listaxe provisional de candidatos a presidente no taboleiro de anuncios da Federación así como na súa páxina web [www.halterofilia.org](http://www.halterofilia.org). Pódense presentar impugnacións a esta no prazo de **2 días hábiles**. As impugnacións serán resoltas pola Xunta Electoral no prazo de **2 días hábiles**.

A Xunta Electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.

## Artigo 16. Elección do presidente

1. No día e hora fixados na convocatoria correspondente, constituirase a Asemblea Xeral en primeira ou segunda convocatoria tendo como únicos puntos da orde do día a Elección a Presidente e a membros da Comisión Delegada. O presidente da Federación será elixido mediante sufraxio libre, directo, igual e secreto polos membros da Asemblea Xeral presentes no momento da elección.

2. Na votación á elección de presidente non se admitirá o voto por correo nin a delegación de voto. A representación das entidade deportivas realizarase conforme o establecido no artigo 9 parágrafo quinto, non admitíndose que unha persoa ostente a representación de máis dunha entidade deportiva.

3. Comezada a sesión e constituída a Mesa Electoral, o presidente presentará os candidatos. Iniciando, de seguido, o proceso de votación.

4. A Xunta Electoral determinará o modelo de papeleta. Cada membro da Asemblea só poderá votar a un candidato.

5. O proceso de votación está formado por un máximo de tres votacións.

a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.

b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.

c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no prazo de **15 minutos**, resultando elixido o que obteña maioría de votos.

7. Terminada cada unha das votacións realizadas, a mesa electoral procederá á **contaxe de votos** e levantará a oportuna acta.



8. No caso de existir soamente dous candidatos, resultará elixido o que obteña a maioría simple dos votos. No caso de empate e tras un receso de **15 minutos** procederase a repetir a votación e no caso de persistir procederase como se non se presentase ningunha candidatura ou non fose válida ningunha das presentadas.

9. No caso de que se presentase un só candidato, non se efectuará votación.

10. Se non se presentase ningunha candidatura ou non fose válida ningunha das presentadas, a Comisión Xestora administrará a Federación e convocará e realizará novas eleccións a presidente no prazo máximo de 3 meses.

11. Rematada a elección, a acta do resultado desta será remitida á Xunta Electoral. Transcorridos os prazos de presentación de posibles recursos e resoltos estes, a Xunta Electoral proclamará presidente ao candidato máis votado e comunicará os resultados á Secretaría Xeral para o Deporte no prazo máximo de 10 días.

12. Unha vez proclamado definitivamente o novo presidente, a Comisión Xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á Federación, levantando acta da documentación entregada e remitíndolle copia desta á Secretaría Xeral para o Deporte.

13. Tras a súa proclamación o presidente designará os demais órganos e comités de acordo cos Estatutos da Federación, debendo comunicarlle a súa composición á Secretaría Xeral para o Deporte no prazo máximo de 10 días hábiles, dende o seu nomeamento.

#### **Artigo 17. Elección de membros da Comisión Delegada**

A Comisión Delegada será elixida entre e pola Asemblea Xeral o día de constitución da mesma mediante sufraxio libre, igual, directo e secreto entre os seus membros. O seu mandato coincidirá co da Asemblea Xeral. Será presidida polo presidente da Federación como membro nato desta.

O número de membros da Comisión Delegada será de **5**

- |                                     |   |
|-------------------------------------|---|
| • Estamento de entidades deportivas | 2 |
| • Estamento de deportistas          | 1 |
| • Estamento de xuíces               | 1 |
| • Estamento de adestradores         | 1 |

O procedemento para a súa elección será o seguinte:

\* Os candidatos deberán presentar a súa candidatura dentro do prazo sinalado no Calendario Electoral, mediante escrito á Xunta Electoral, dirixido ao domicilio social da Federación Galega de Halterofilia.

\* A mesa electoral constituirase na propia Asemblea con urnas distintas para cada estamento, sendo presidida polo membro de maior idade dos presentes e actuando como secretario o de menor idade, levantándose acta dos resultados das votacións por estamentos. As competencias e funcionamento da Mesa Electoral serán as referidas para a elección de membros da Asemblea Xeral.

- As entidades deportivas elixirán, por e entre elas, a seus representantes.
- Os deportistas elixirán, por e entre eles, a seus representantes.
- Os adestradores elixirán, por e entre eles, a seus representantes.
- Os xuíces elixirán, por e entre eles, a seus representantes.



Non se admitirá o voto por correo.

En caso de empate a votos, este resolverase como segue:

- a) No caso de entidades deportivas, a máis antiga.
- b) No caso de deportistas, o de máis idade.
- c) No caso de técnicos e xuíces, o de máis antigüidade.

As vacantes que se produzan na Comisión Delegada antes das seguintes eleccións poderán substituírse anualmente. A tal efecto, a presidencia convocará as devanditas eleccións parciais, que deberán axustarse ás normas que regulen as Eleccións Xerais a órgano en cuestión. Os elixidos para cubrir as vacantes ostentarán o seu mandato polo tempo que falte ata as próximas eleccións á Comisión Delegada.

Para ser elixido membro da Comisión Delegada da Asemblea Xeral da Federación Galega de Halterofilia é imprescindible ser membro da mesma.

### Artigo 18. Recurso ante a Xunta Electoral

O coñecemento de tódolos recursos que se poidan formular na materia electoral corresponde á Xunta Electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da Xunta Electoral.

Os recursos ante a Xunta Electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da Xunta Electoral.

Os prazos para a presentación destes recursos, así como os de resolución da Xunta Electoral serán de **2 días hábiles**, salvo nos casos nos que no presente Regulamento ou na Orde do 8 de setembro de 2010 se establezan outros distintos.

### Artigo 19. Recurso ante o Comité Galego de Xustiza Deportiva

1. Contra os acordos e resolucións das Xuntas Electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpoñer este recurso quen fose parte na impugnación anto a Xunta Electoral federativa ou as persoas interesadas directamente polo seu acordo ou resolución (art. 57 do Decreto 120/2013)



2. Os prazos de interposición do recurlo electoral ante o Comité Galego de Xustiza Deportiva serán de **3 días hábiles** dende o seguinte ao da notificación da resolución do acordo obxecto de recurso ou, se fora o caso, dende o momento en que se produza a desestimación tácita da reclamación electoral presentada..

3. O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.




- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.




# Anexo I. Calendario electoral

ELECCIÓN A MEMBROS DA ASEMBLEA XERAL, PRESIDENTE E COMISIÓN DELEGADA DA ASEMBLEA XERAL DA FEDERACIÓN GALEGA DE HALTEROFILIA	
19 xullo	Aprobación do Regulamento electoral e calendario electoral e elección dos membros da xunta electoral.
23 xullo	Presentación do regulamento electoral no rexistro da Secretaría Xeral para o Deporte
4 setembro (agosto inhábil)	Data tope aprobación regulamento pola Secretaría Xeral para o Deporte.
8 setembro	Remisión convocatoria a entidades deportivas e Secretaría Xeral para o Deporte
15 setembro	<b>CONVOCATORIA DE ELECCIÓN.</b> <ul style="list-style-type: none"> <li>- Constitución da Xunta Electoral.</li> <li>- Publicación do Regulamento electoral, calendario electoral e censo provisional</li> <li>- A Xunta Directiva da Federación constitúese en Comisión Xestora.</li> <li>- Inicio do prazo de reclamacións ao Censo.</li> <li>- Inicio do prazo de petición do voto por correo.</li> </ul>
26 setembro	Finalización do prazo de reclamacións ao censo.
2 outubro	Prazo de resolución de reclamacións ao Censo. <b>Publicación Censo definitivo.</b> Designación das Mesas electorais por sorteo na sede federativa ás 12:00 h. <b>Inicio do prazo de presentación de candidatos a membros da Asemblea Xeral.</b>
4 outubro	Fin do prazo de petición do exercicio de voto por correo.
6 outubro	Finalización do prazo de presentación de candidatos a membros da Asemblea Xeral. Proclamación provisional de candidatos a membros da asemblea.
7 e 8 outubro	Prazo para presentar reclamacións aos candidatos provisionais a membros da asemblea.
9 e 10 outubro	Prazo de resolución das reclamacións.
10 outubro	<b>Proclamación definitiva de candidatos a membros da Asemblea Xeral.</b>
13 outubro	Fin do prazo de remisión dos papeis de voto por correo.
20 outubro	Fin do prazo para depositar os votos en correos.
27 outubro	<b>ELECCIÓN A MEMBROS DE ASEMBLEA XERAL.</b>
28 e 29 outubro	Prazo de reclamacións da eleccións a membros da Asemblea.
30 e 31 outubro	Prazo de re resolución das reclamacións.
31 outubro	Proclamación definitiva dos membros da Asemblea.
3 e 4 novembro	<b>Prazo para presentación de candidatos a Presidente e Comisión Delegada.</b>
4 novembro	Proclamación provisional de candidatos a Presidente e Comisión Delegada.
5 e 6 novembro	Prazo de reclamacións contra a proclamación provisional de candidatos
7 e 8 novembro	Prazo de resolución das reclamacións.
10 novembro	Proclamación da lista definitiva de candidatos a Presidente.






29 novembro	<b>CONSTITUCIÓN DA ASEMBLEA XERAL ELECCIÓN DO PRESIDENTE E COMISIÓN DELEGADA FEDERACIÓN GALEGA DE HALTEROFILIA</b>
1 e 2 decembro	Prazo da presentación de reclamacións aos resultados provisionais.
3 e 4 decembro	Fin prazo de resolución das reclamacións. <b>PROCLAMACIÓN DEFINITIVA DE PRESIDENTE E COMISIÓN DELEGADA DA FEDERACIÓN GALEGA DE HALTEROFILIA DISOLUCIÓN DA XUNTA ELECTORAL.</b>



# Anexo II. Modelos de sobres e papeletas

## Modelos de sobres

<p>ELECCIÓN XERAIS 2014 FEDERACION GALEGA DE HALTEROFILIA</p> <p><b>ESTAMENTO ENTIDADES DEPORTIVAS</b></p>  <p>F.G.H.</p>  <p>XUNTA DE GALICIA</p>  <p>DEPORTE GALEGO</p>	<p>ELECCIÓN XERAIS 2014 FEDERACION GALEGA DE HALTEROFILIA</p> <p><b>ESTAMENTO DEPORTISTAS</b></p>  <p>F.G.H.</p>  <p>XUNTA DE GALICIA</p>  <p>DEPORTE GALEGO</p>
<p>ELECCIÓN XERAIS 2014 FEDERACION GALEGA DE HALTEROFILIA</p> <p><b>ESTAMENTO XUÍCES</b></p>  <p>F.G.H.</p>  <p>XUNTA DE GALICIA</p>  <p>DEPORTE GALEGO</p>	<p>ELECCIÓN XERAIS 2014 FEDERACION GALEGA DE HALTEROFILIA</p> <p><b>ESTAMENTO ADESTRADORES</b></p>  <p>F.G.H.</p>  <p>XUNTA DE GALICIA</p>  <p>DEPORTE GALEGO</p>

<p><b>ELECCIÓN XERAIS 2014</b> FEDERACION GALEGA DE HALTEROFILIA</p> <p>SECRETARIA XERAL PARA O DEPORTE ESTADIO MULTIUSOS DE SAN LÁZARO 15781 SANTIAGO DE COMPOSTELA</p>  <p>F.G.H.</p>  <p>XUNTA DE GALICIA</p>  <p>DEPORTE GALEGO</p>	<p><b>RTE:</b> Nome e apelidos: Estamento:</p>
---	--





## Modelos de papeletas

### Modelo PAPELETA entidades deportivas



**ELECCIÓN XERAIS 2014**  
**FEDERACIÓN GALEGA DE HALTEROFILIA**



ESTAMENTO DE ENTIDADES DEPORTIVAS	
1	
2	
3	

### Modelo PAPELETA deportistas



**ELECCIÓN XERAIS 2014**  
**FEDERACIÓN GALEGA DE HALTEROFILIA**



ESTAMENTO DE DEPORTISTAS	
1	
2	

### Modelo PAPELETA xuíces



**ELECCIÓN XERAIS 2014**  
**FEDERACIÓN GALEGA DE HALTEROFILIA**



ESTAMENTO DE XUICES	
1	

### Modelo PAPELETA adestradores



**ELECCIÓN XERAIS 2014**  
**FEDERACIÓN GALEGA DE HALTEROFILIA**



ESTAMENTO DE ADESTRADORES	
1	

